

ხელშეკრულება № TUB/01
(მრავალწლიანი სახელმწიფო შესყიდვების შესახებ)

ქ. თბილისი

2 აპრილი 2012 წელი

ერთის მხრივ, სსიპ „ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი“ (შემდგომში „შემსყიდველი“), მისი გენერალური დირექტორის ნატო ავალიანის სახით და მეორეს მხრივ, სს „ტუბერკულოზისა და ფილტვის დაავადებათა ეროვნული ცენტრი“ (შემდგომში „მიმწოდებელი“) მისი აღმასრულებელი დირექტორის ნანა ქირიას სახით, აფორმებენ წინამდებარე ხელშეკრულებას შემდეგზე:

1. ხელშეკრულების საფუძველი

- 1.1 "საქართველოს 2012 წლის სახელმწიფო ბიუჯეტის შესახებ" საქართველოს კანონი.
- 1.2 „2012 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2012 წლის 15 მარტის №92 დადგენილებით გათვალისწინებული პროგრამა - "ტუბერკულოზის მართვა" (პროგრამული კოდი - 35 03 03 03)
- 1.3 „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის "დ" ქვეპუნქტი.
- 1.4 „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანება.

2. ხელშეკრულების საგანი

- 2.1 „2012 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2012 წლის 15 მარტის №92 დადგენილების შესაბამისად, "ტუბერკულოზის მართვის" პროგრამის ფარგლებში ქვეყნის მასშტაბით ტუბერკულოზზე საექვო შემთხვევების ლაბორატორიულ დადასტურებასა და მკურნალობის პროცესში ჩართული პაციენტების ტუბერკულოზის მონიტორინგის სპეციფიკურ კვლევების ჩატარების მომსახურების შესყიდვა (CPV85100000)

3. ხელშეკრულების ღირებულება

- 3.1 ხელშეკრულების საერთო ღირებულება შეადგენს 345 000,00 (სამასორმოდახუთი ათასი) ლარს, ყოველთვიურად 38 333,00 ლარის ოდენობით გლობალური ბიუჯეტის პრინციპით, მათ შორის 2012 წლის დეკემბრის თვის მომსახურების ღირებულება 38 333,00 (ოცდათვრამეტი ათას სამასოცდაცამეტი) ლარი, რომელიც ანაზღაურდება მოქმედი კანონმდებლობის შესაბამისად.
- 3.2 ხელშეკრულების საერთო ღირებულების ხარჯთაღრიცხვა მოცემულია ამ ხელშეკრულებაზე თანდართულ დანართში (დანართი #1).

4. ხელშეკრულების შესყიდვის ობიექტი

- 4.1 ხელშეკრულების (შესყიდვის) ობიექტია (შემდგომში „მომსახურება“): ლაბორატორიული კონტროლი, რომელიც გულისხმობს ტუბერკულოზზე საექვო შემთხვევების ლაბორატორიულ დადასტურებასა და მკურნალობის პროცესში ჩართული პაციენტების მონიტორინგისათვის სპეციფიკურ კვლევებს;

5. ხელშეკრულების ფარგლებში გასაწევი მომსახურება

5.1 ხელშეკრულების ფარგლებში "მიმწოდებელმა" უნდა განახორციელოს სს "ტუბერკულოზისა და ფილტვის დაავადებათა ეროვნულ ცენტრში" მიწოდებული ნიმუშების გამოკვლევისათვის შემდეგი მომსახურება:

5.1.1 ნახველის ბაქტერიოსკოპული გამოკვლევა თბილისის, მცხეთა-მთიანეთისა და ქვემო ქართლის რეგიონებიდან მიღებულ ნიმუშებზე;

5.1.2 მასალის კულტურალური გამოკვლევა როგორც თხევად MGIT, ასევე მყარ ლევენშტეინ-იენსენის ნიადაგზე თბილისის, მცხეთა-მთიანეთის, ქვემო ქართლის, კახეთის, შიდა ქართლისა და სამცხე-ჯავახეთის რეგიონებიდან მიღებულ ნიმუშებზე;

5.1.3 მგბ(+) შემთხვევებში რეზისტენტული ტუბერკულოზის სწრაფი დიაგნოსტიკის განხორციელება პირდაპირ ნახველიდან PCR მეთოდით - HAIN - ის ტესტით თბილისის, მცხეთა-მთიანეთის, ქვემო ქართლის, კახეთის, შიდა ქართლისა და სამცხე-ჯავახეთის რეგიონებიდან მიღებულ ნიმუშებზე;

5.1.4 ფილტვგარეშე ტუბერკულოზის გაღრმავებული დიაგნოსტიკის მიზნით მასალის კულტურალური გამოკვლევის განხორციელება, როგორც თხევად MGIT, ასევე მყარ ლევენშტეინ-იენსენის ნიადაგზე ქვეყნის მასშტაბით.

5.1.5 მგრძნობელობის განსაზღვრა პირველი რიგის ტუბსაწინააღმდეგო წამლების მიმართ ქვეყნის მასშტაბით ;

5.1.6 პოლირეზისტენტული და მულტირეზისტენტული ტუბერკულოზის შემთხვევაში მეორე რიგის წამლებისადმი მგრძნობელობის განსაზღვრა ქვეყნის მასშტაბით;

5.1.7 პერიფერიული და რეგიონალური ლაბორატორიების (პენიტენციური სისტემის ლაბორატორიების ჩათვლით) ხარისხის კონტროლის განხორციელება ბრმად გადამოწმების წესით ქვეყნის მასშტაბით;

6. შესყიდვის ობიექტის ხარისხი

6.1 შესყიდვის ობიექტის ხარისხი უნდა შეესაბამებოდეს არსებულ სტანდარტებს.

6.2 „მომსახურების“ უხარისხობის შემთხვევაში „შემსყიდველი“ წერილობით აცნობებს „მიმწოდებელს“ წუნდების მიზეზების მითითებით. „მიმწოდებელი“ საკუთარი სახსრებით უზრუნველყოფს შესყიდვის ობიექტის ნაკლის აღმოფხვრას „შემსყიდველის“ ინტერესების გათვალისწინებით.

7. შესყიდვის ობიექტის მიწოდების ადგილი, ფორმა და ვადები

7.1 „მომსახურების“ გაწევის ვადაა 2012 წლის 02 აპრილიდან 2012 წლის 31 დეკემბრის ჩათვლით.

7.2 „მომსახურების“ ანგარიშის მიწოდების ადგილი - თბილისი, მ. ასათიანის ქ. №9, სსიპ ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი.

7.3 მიწოდების ფორმა - „მომსახურების“ ღონისძიებათა შესრულება ხელშეკრულებაზე თანდართული ფორმებით.

7.4 „მომსახურების“ მიწოდების ვადა - ყოველთვიურად, მომდევნო თვის 10 რიცხვამდე.

8. შესყიდვის ობიექტის მიღება-ჩაბარების წესი

8.1 „მიმწოდებელი“ ყოველთვიურად წარმოადგენს ანგარიშს მის მიერ საანგარიშო თვეში გაწეული „მომსახურების“ შესახებ, შეთანხმებული ფორმებით (მიღება-ჩაბარების აქტი, ფორმა 1), რომლებიც ხელშეკრულებას თან ერთვის.

8.2 „მიმწოდებელი“ „შემსყიდველის“ მოთხოვნის შესაბამისად წარმოადგენს სრულ წერილობით ინფორმაციას „მომსახურების“ მიმდინარეობის შესახებ.

8.3 ანგარიშგების ფორმებში ცვლილებების შეტანა დაუშვებელია, გარდა იმ შემთხვევებისა, როდესაც შეიქმნება ობიექტური საჭიროება ანგარიშგების გაუმჯობესების მიზნით, ან სახელმწიფოს მიერ დადგენილი წესით.

8.4 „მიმწოდებელი“ სრულად აგებს პასუხს მის მიერ მიწოდებული ანგარიშების უტყუარობაზე. „მიმწოდებელი“ ადგილზე ინახავს ანგარიშებს და პირველად დოკუმენტაციას დადგენილი წესის შესაბამისად. საჭიროების შემთხვევაში გაცნობისათვის პირველივე მოთხოვნისთანავე წარუდგენს „შემსყიდველს“.

8.5 არასწორად, არასრულად ან არაკორექტულად წარმოდგენილი ანგარიშსწორების ფორმა უბრუნდება „მიმწოდებელს“ მის საბოლოო შესწორებამდე.

8.6 „შემსყიდველსა“ და „მიმწოდებელს“ შორის მომსახურების შესრულებაზე მიღება-ჩაბარების აქტის გაფორმება განხორციელდება ყოველთვიურად ინსპექტირების დასრულებისთანავე.

8.7 „შემსყიდველი“ უფლებამოსილია ვადაგადაცილებით წარდგენილი დოკუმენტაცია განიხილოს შემდეგი თვის დოკუმენტაციასთან ერთად. ამასთან, ვადაგადაცილებით წარდგენილი დოკუმენტები არ განიხილება, თუ ხელშეკრულებით განსაზღვრული პირობებით გაწეული მომსახურების დასრულებიდან გასულია 3 საანგარიშგებო თვეზე მეტი.

9. ანგარიშსწორების წესი, ფორმა და ვადები

9.1 ანგარიშსწორების ფორმა - უნაღდო ანგარიშსწორება.

9.2 ანგარიშსწორება განხორციელდება ლარებში.

9.3 ანაზღაურება განხორციელდება მე-3 და მე-5 პუნქტით გათვალისწინებული ღონისძიებების მომსახურების მიხედვით გლობალური ბიუჯეტის პრინციპით.

9.4 ანაზღაურება მოხდება ინსპექტირების დასრულებიდან და ყოველთვიური მიღება-ჩაბარების აქტის ხელმოწერის დღიდან 10 სამუშაო დღეში, მოქმედი კანონმდებლობით დადგენილი პროცედურის დაცვით.

10. მხარეთა უფლება-მოვალეობები

10.1 „შემსყიდველი“ ვალდებულია:

10.1.1. აცნობოს „მიმწოდებელს“ ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.

10.2 „მიმწოდებელი“ ვალდებულია:

10.2.1 მიაწოდოს „შემსყიდველს“ „მომსახურება“, რომელიც სრულად შეესაბამება ხარისხით და სხვა ყველა მონაცემებით „შემსყიდველის“ დაკვეთას.

10.2.2 აცნობოს „შემსყიდველს“ ყველა იმ ცვლილებათა შესახებ, რაც პირდაპირ ან ირიბად ეხება ხელშეკრულებას.

10.2.3 დროულად შეასრულოს ხელშეკრულებით ნაკისრი ყველა ვალდებულებანი.

10.3 „შემსყიდველი“ უფლებამოსილია:

10.3.1 მოითხოვოს „მიმწოდებლისაგან“ ხელშეკრულების ყველა პუნქტის უცილობელი შესრულება.

10.3.2 უარი განაცხადოს ხელშეკრულების პირობების შესრულებაზე იმ შემთხვევაში, თუ „მიმწოდებელი“ დაარღვევს ხელშეკრულებით ნაკისრ ვალდებულებებს ან მის წინაშე დადგენა დაუძლეველი ძალა.

10.3.3 არ სცნოს „მიმწოდებლის“ არცერთი ვალდებულება, რომელიც არაა განსაზღვრული ამ ხელშეკრულებით.

10.4 „მიმწოდებელი“ უფლებამოსილია:

10.4.1 მოითხოვოს „შემსყიდველისაგან“ მის მიერ მიწოდებული „მომსახურების“ ღირებულების ანაზღაურება ხელშეკრულებით გათვალისწინებული ოდენობით.

10.4.2 განაცხადოს უარი ხელშეკრულების შესრულებაზე ან მის გაგრძელებაზე, თუ „შემსყიდველის“ მიერ სახელშეკრულებო პირობების შეუსრულებლობის გამო მისთვის შეუძლებელი ხდება „მომსახურების“ მიწოდება ან მის წინაშე დადგა დაუძლეველი ძალა.

10.4.3 აწარმოოს მოლაპარაკება „შემსყიდველთან“ სახელშეკრულებო პირობებში კანონით დაშვებული ცვლილებების შეტანისათვის.

10.4.4 მიმართოს სასამართლოს ან სხვა ორგანოებს „შემსყიდველის“ მიერ ხელშეკრულების პირობების დარღვევის გამო.

10.4.5 მოითხოვოს „შემსყიდველისაგან“ რეალური ზარალის ანაზღაურება, რაც გამოიწვია მისი მხრიდან ამ ხელშეკრულების პირობების დარღვევამ.

11. დაუძლეველი ძალის მოქმედება

11.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველ გარემოებათა შედეგი.

11.2 ამ ხელშეკრულების მიზნებისათვის „დაუძლეველი ძალა“ ნიშნავს მხარეებისათვის გადაუღალავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და მას გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას საბრძოლო მოქმედებებით, წყალდიდობით, ეპიდემიით, კარანტინით, და სხვა მასთან გათანაბრებული მოვლენებით. რომელსაც ცნობენ მხარეები.

11.3 დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება აღწერილობით გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი გარემოებების ზეგავლენისაგან.

11.4 დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან სხვა მხარეებისათვის მისაღები ფორმით.

12. სადაო საკითხების გადაწყვეტა

12.1 „შემსყიდველმა“ და „მიმწოდებელმა“ უნდა იხმაროს ყველა ღონე, რათა მათ შორის, ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.

12.2 თუ „შემსყიდველი“ და „მიმწოდებელი“ ვერ შეძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს.

13. გამოსაყენებელი სამართალი

13.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

14. ხელშეკრულების ენა

14.1 ხელშეკრულების ენაა ქართული. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

15. ურთიერთობა მხარეებს შორის

15.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

15.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

16. ხელშეკრულების სხვა პირობები

16.1 ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შესწორებით და ფორმდება ხელშეკრულების დანამატის სახით, რომელიც წარმოადგენს ხელშეკრულების განუყოფელ ნაწილს.

16.2 „მიმწოდებელს“ არ აქვს უფლება „შემსყიდველის“ წერილობითი თანხმობის გარეშე მოახდინოს მესამე პირისათვის უფლებების გადაცემა.

16.3 ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა „სახელმწიფო შესყიდვების შესახებ“ საქართველოს კანონის, საქართველოს სამოქალაქო კოდექსით და კანონქვემდებარე აქტებით განსაზღვრული შემთხვევებისა.

16.4 ხელშეკრულების შესრულების შეფერხების შემთხვევაში მხარეები დაუყოვნებლივ წერილობით ატყობინებენ ერთმანეთს და ღებულობენ ერთობლივ გადაწყვეტილებას.

17. ხელშეკრულების შესრულების კონტროლი

17.1 „მიმწოდებლის“ მიერ ნაკისრი ვალდებულებების შესრულებაზე და შესაბამისად „მომსახურების“ მიზნობრივად გატარების შესახებ „შემსყიდველი“ უფლებამოსილია:

17.1.1. უშუალოდ განახორციელოს ხელშეკრულების შესრულების კონტროლი, რომელიც შეეხება ყოველთვიური „მომსახურების“ პერიოდს (ან „მომსახურების“ დასრულებულ ციკლს);

17.2. განახორციელოს წარმოდგენილი დოკუმენტაციის შედარება „მიმწოდებლის“ მიერ შეტყობინებისას დაფიქსირებულ მონაცემებთან და შემთხვევების შერჩევითი შემოწმების შედეგებთან (ასეთის არსებობის შემთხვევაში).

17.3. ხელშეკრულების შესრულების კონტროლის ვადაა საანგარიშგებო დოკუმენტაციის წარდგენიდან არაუმეტეს 10 სამუშაო დღე.

18. ხელშეკრულების მოქმედების ვადა

18.1 ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან.

18.2 ხელშეკრულების მოქმედების ვადა განისაზღვრება 2013 წლის 31 იანვრის ჩათვლით.

18.3 ურთიერთობა მხარეებს შორის წყდება მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

19. განსაკუთრებული შენიშვნები

19.1 ხელშეკრულება დგება სამ თანაბარძალოვან ეგზემპლარად, საიდანაც ერთი ეგზემპლარი გადაეცემა „მიმწოდებელს“, ხოლო ორი ეგზემპლარი ინახება „შემსყიდველთან“.

20. მხარეთა რეკვიზიტები

„შემსყიდველი“

„მიმწოდებელი“

სსიპ „ლ. საყვარელიძის სახ.
დაავადებათა კონტროლისა და
საზოგადოებრივი ჯანმრთელობის
ეროვნული ცენტრი“
თბილისი, მ. ასათიანის ქ. 9
საიდენტიფიკაციო კოდი 211324351
სახელმწიფო ხაზინა
ბ/კ 220101222 ა/ა 200122900
გენერალური დირექტორი

სს "ტუბერკულოზისა და ფილტვის
დაავადებათა ეროვნული ცენტრი"
თბილისი, მარუაშვილის ქ.50
საიდენტიფიკაციო კოდი: 202172139
სს „თიბისი ბანკის“ ცენტრალური ფილიალი
ბ/კ TBCBGE 22 ა/ა GE88TB06000000354679 94
აღმასრულებელი დირექტორი



ნატო ავალიანი



ბ.ა.



ბ. ა.

ნანა ქირია

დანართი #1

(ლარი)

ეკონომიკური კლასიფიკატორი	სულ	ყოველთვიურად	მათ შორის: 2012წ. დეკემბერი
საქონელი და მომსახურება, მათ შორის:	345,000	38,333	38,333
შრომის ანაზღაურება	197,820	21,980	21,980
სხვა ხარჯი	147,180	16,353	16,353

"მიმწოდებელი"

"შემსყიდველი"

სს "ტუბერკულოზისა და ფილტვის დაავადებათა
ეროვნული ცენტრი"



სსიპ - ლ. საყვარელიძის სახ. დაავადებათა
კონტროლისა და საზოგადოებრივი ჯანმრთელობის
ეროვნული ცენტრი



ა ქ ტ ი N

შესრულებული სამუშაოების ყოველთვიური პირველადი მიღება-ჩაბარების აქტი

სამედიცინო დაწესებულების მიერ 2012 წლის _____ გაწეულ სამედიცინო მომსახურებაზე

პროგრამა (კომპონენტი) _____

ხელშეკრულების N _____ თარიღი _____

#	ანგარიშ-ფაქტურის # და თარიღი		წარმოდგენილი სამუშაოს ღირებულება	ექვემდებარება შემცირებას		ექვემდებარება ფულადი სახსრებით ანაზღაურებას
				ლიმიტს ზემოთ თანხა	სხვა მიზეზებით დარღვევების გამო	
1	2	3	4	5	6	7

ჩააბარა

მიიღო

დაწესებულების დასახელება

ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრი

უფლებამოსილი პირის ხელმოწერა

უფლებამოსილი პირის ხელმოწერა

ფორმა 1

სარეგისტრაციო N _____

- * დაწესებულების დასახელება: _____
- * საბანკო რეკვიზიტები:
- * შესრულების თვე: _____

	ეკონომიკური კლასიფიკატორი	გაწეული ხარჯი (ლარი)	შენიშვნა
	საქონელი და მომსახურება, მათ შორის:		
	შრომის ანაზღაურება		
	სხვა ხარჯი		

დაწესებულების ხელმძღვანელი: _____

მთ. ბუღალტერი: _____

ბ.ა.